

## MAGBATASAN SA PAGPAHIMULOS NI CRISTO NGA KAHUY SA KINABUHI

Mensahe 4

### Gisumpay ngadto ni Cristo aron Mahimong Bahin sa Kahoy sa Kinabuhi

Basahong Kasulatan: Gen. 2:9; 1 Cor. 6:17; Rom. 11:17, 24; Juan 15:1, 4-5

#### I. Gipadayag sa Biblia nga ang relasyong gitinguha sa Dios sa tawo kana mang mausa Siya ug ang tawo—1 Cor. 6:17:

- A. Mobasa ngani ta sa Biblia, bansayon gyod nato ang usa ka prinsipyo—ang prinsipyo nga nagtinguha ang Dios nga mausa sa Iyang piniling katawhan—Juan 14:20.
- B. Ang kinadak-ang tuyo sa Dios pagpausa man sa Iyang Kaugalingon sa tawo ug pagpausa sa tawo Kaniya—Efe. 4:4-6.
- C. Nagtinguha ang Dios nga madugtong ang diosnong kinabuhi ug tawhanong kinabuhi aron mahimong usa ka kinabuhi.
- D. Ang sentrong linya sa pamatigayon sa Dios paghimo man sa Dios ug sa tawo, sa tawo ug sa Dios, nga usa ka persona, nga ang duha usa ray pagkinabuhi sa usa ra ka kinabuhi ug usa ka kinaiya—Bug. 22:17.
- E. Sa pagpakatawo ni Cristo gidala Niya ang Dios nganha sa tawo, ug sa pagkabanhaw Niya gidala Niya ang tawo ngadto sa Dios; pinaagi niini, gituman Niya ang panagsagol sa Dios ug tawo aron mausa—Rom. 8:3; 1:3-4:
  1. Naa ta ni Cristo, ug naa Siya nato; Siya ug kita nahimong usa ka persona—1 Cor. 12:12.
  2. Nahimong kita si Cristo, ug nahimo tang Siya—Heb. 2:14, 11.

#### II. Ang relasyong gitinguha sa Dios sa tawo mao nga masumpay Siya ug ang tawo ug tungod niana mausa diha sa organicong pagkausa—Rom. 6:3-5; Juan 15:4-5:

- A. Dili giilisang kinabuhi ang sinumpay nga kinabuhi—panagsagol kini sa tawhanong kinabuhi ug diosnong kinabuhi—1 Cor. 6:17.
- B. Sa pagsumpay, gidugtong ang duha ka parehong kinabuhi unya organico nga usang nagtubo—Rom. 11:24:
  1. Kay gihimo man ang atong tawhanong kinabuhi sa dagway sa Dios ug segun sa pagkasama Niya, madugtong kini sa diosnong kinabuhi—Gen. 1:26.
  2. Sama sa diosnong kinabuhi ang atong tawhanong kinabuhi; busa, masumpay ug makakinabuhi pag-usa ang diosnong kinabuhi ug tawhanong kinabuhi.
- C. Aron masumpay ta ngadto ni Cristo, moagi gyod Siya sa mga kahikayan sa pagpakatawo, pagkalansang sa krus, ug pagkabanhaw aron mahimong Espiritung taghatag-og-kinabuhi—Juan 1:14; 1 Cor. 2:2; 15:45.
- D. Gisumpay na ta ngadto ni Cristo nga kahoy sa kinabuhi, ug nagpausa nato Kaniya kining pagsumpaya—Rom. 11:24:
  1. Usa ra ka kahoy si Cristo ug ang mga magtutuo; Siya ang punoan sa paras, ug kita ang mga sanga—Juan 15:1, 5a, 4a.
  2. Nahimong kinabuhi, kinaiya, ug persona nato si Cristo—Col. 3:4, 10-11; Efe. 3:17a.
- E. Isip mga tawong gipanganak pag-usab nga gisumpay ngadto ni Cristo, magkinabuhi gyod ta sa sinumpayng kinabuhi, sa kinabuhing gidugtong ang duha ka hingtungdan aron organicong motubo:

1. Kay gisumpay na man ta ngadto ni Cristo, dili na gyod ta magkinabuhi pa sa atong kaugalingon; pakinabuhion hinuon nato ang pneumaticong Cristo sa sulod nato—Gal. 2:20.
  2. Dili na gyod ta magkinabuhi pa sa atong unod o sa natural ba nga pagkatawo nato; magkinabuhi hinuon ta sa sinumpayng kinabuhi pinaagi sa nasagol nga espiritu—sa diosnong Espiritu nga nasagol sa gipanganak pag-usab nga tawhanong espiritu—1 Cor. 6:17; Rom. 8:4.
- F. Sa sinumpayng kinabuhi wala wad-a ang tawhanong kinabuhi kondili gipalig-on, gipausbaw, ug gipadato kini sa diosnong kinabuhi—Gal. 2:20; 4:19; Efe. 3:16-17a:
1. Sa sinumpayng kinabuhi naa ra gihapon sa sanga ang mao rang mahinungdanong mga kinaiya niini apan gipalig-on, gipausbaw, ug gitransporma kini sa pagsumpay niini ngadto sa mas habog nga kinabuhi—Juan 15:4-5; Rom. 11:17.
  2. Sa sinumpayng kinabuhi nagbuhat ang diosnong kinabuhi sa sulod nato aron habwaon ang negatibong mga elemento:
    - a. Inanayng nagbuhat ang diosnong kinabuhi aron mawala ang bisan unsang natural.
    - b. Gilamoy sa diosnong kinabuhi ang atong mga apan ug mga kaluyahon.
    - c. Gipatay ang negatibong elemento sa atong taras, ug unya, imbis nga isa-likway ang atong taras, gipausbaw ug gigamit kini sa Ginoo.
  3. Sa sinumpayng kinabuhi gibanhaw sa diosnong kinabuhi ang gilalang sa Dios sa sinugdan ug gipausbaw ang atong mga galamhan—Juan 11:25; Efe. 4:23:
    - a. Sa gihabwa sa diosnong kinabuhi ang negatibong mga butang, nagbuhat kini aron banhawon ang gilalang sa Dios sa sinugdan.
    - b. Sa ingon niini gipahiuli, gipalig-on, ug gipausbaw ang mga kagamitan nato sa sinugdan—ang mga kagamitang gihatag kanato sa paglalang kanato—Gal. 2:20.
  4. Sa sinumpayng kinabuhi gisangkap sa diosnong kinabuhi ang kadato ni Cristo sa atong mga bahin sa sulod ug gisuropan ang tibuok natong pagkatawo—Rom. 12:2; 8:29-30.

**III. Si Cristo nga kahoy sa kinabuhi mao ang pagkalawas sa Dios nga kinabuhi nato, ug kay gisumpay na man ta ngadto ni Cristo, organico tang nausa Niya, ug tungod niana bahin ta sa kahoy sa kinabuhi—Col. 2:9; Juan 15:1, 4-5:**

- A. Dili lang nga gikaon nato si Cristo nga kahoy sa kinabuhi—nausa ta Niya ug bahin Niya—1 Cor. 6:17.
- B. Alang sa pagpaambit sa diosnong kinabuhi nganhi nato ang kahoy sa kinabuhi; sa magpabilin ta, nga mga sanga, sa punoan sa paras, madawat nato ang pagpaambit sa kinabuhi gikan sa kahoy sa kinabuhi ug magkinabuhi ta isip bahin sa kahoy sa kinabuhi—Juan 15:5; Rom. 8:2, 10, 6, 11; itandi sa Fil. 4:13.
- C. Si Cristo nga kahoy sa kinabuhi alang man sa diosnong pamatigayon nga ipaambit ang Iyang Kaugalingon kanato; isip mga sanga sa punoan sa paras, nagpabilin ta Niya, ug nagpabilin Siya nato.
- D. Sa magpabilin ta sa punoan sa paras, ipaambit ang Dios nganhi nato, ipaambit ang kinabuhi gikan sa kahoy sa kinabuhi nganha sa mga sanga; naghimo natong mga Dios-tawo kining pagpaambita—Rom. 8:10, 6, 11.
- E. Ang pagpabilin nato ni Cristo nga punoan sa paras paghimo man Kaniya nga puluy-anan nato, nga mao ang kinalabwan ug kinahingpitang pagsinati nato sa

Dios; ang pagpuyo nato diha ni Cristo pagkinabuhi man nato diha Niya, paghimo Kaniya nga atong tanan—Sal. 90:1; 91:1, 9.

- F. Kon magkinabuhi ta isip bahin sa kahoy sa kinabuhi, dili ta magtagad sa maayo ug daotan kondili sa kinabuhi, ug ilhon nato ang mga butang dili segun sa husto ug sayop kondili segun sa kinabuhi ug kamatayon—Gen. 2:9, 16-17; 2 Cor. 11:3.